

Akapapa'anga no te retita'anga e te vouti'anga.



**ELECTORAL
COMMISSION**
TE KAITIAKI TAKE KŌWHIRI

Eaa ka retita ei no te vouti'anga?

Me kua retita ia koe no te vouti, e tika'anga toou no te akakite i toou manako i roto i te iki'anga maata, iki'anga oire e tetai au tuku'anga tika. Na roto i te iki'anga maata e rauka ei toou tika'anga kia akakite i toou manako no runga i te tangata te ka mata noou no runga i te au tumu manako puapinga kia koe.

**Kia papu ia koe e
kia akarongo'ia mai
toou reo, na roto i
te retita'anga no te
vouti'anga.**



Koai te ka akatika ia kia retita no te vouti?

Kia retita'ia koe mei te mea e:

- e 18 oou mataiti, me kore ra, i runga atu, e
- e tangata Nu Tireni tinamou koe, me kare ra, e tangata noo tinamou koe i Nu Tireni nei, e
- i noo ana koe ki Nu Tireni nei tere atu te mataiti i tetai au tuatau i toou ora'anga.

Me e tangata Autireria (Australia) koe, Maori Kuki Airani, e tangata Niue, me kore ra, e tangata Tokelau, ka akatika ia koe i te retita me i noo tinamou ana koe no tetai 12 marama ki Nu Tireni nei.

Me e noo tinamou ana koe i te pa enua i vao, ka akatika ia koe i te retita no te vouti, mei te mea koe e:

- e tangata Nu Tireni tinamou tei noo ana ki Nu Tireni nei i teia nga mataiti e toru i pāti ua ake nei, me kore ra,
- e tangata Nu Tireni tinamou koe tei noo ana ki Nu Tireni nei i teia nga marama e ta'i-ngauru ma rua, i pāti ua ake nei.

E tika'anga toou i te retita me tae uana toou mataiti ki te 17. Me tae koe ki te 18, kua ira takere toou ingoa ki roto i te akapapa'anga a te retita, e kua papa koe no te vouti atu.



Akapeea au me retita?

E mama ua te retita me kare te akatano meitaki akaou i toou au tuatua. Ka akatika ia koe:

- Atoro iatu te roro uira atuitui **vote.nz** ma te ta angaanga atu i toou raitini akaoro motoka Nu Tireni, tiketi tika'anga Nu Tireni me kare toou tutu akapapu ko koe tikai teia (RealMe) ei akatika iakoe kia retita i roto i te mareva
- Taniuniu atu **0800 36 76 56** ma te pati atu no tetai peapa taini'anga kia tukuna iatu ki iakoe

Me oti koe i te retita, ka tuku'ia atu toou ingoa ki runga i te akapapa'anga ingoa o te iki'anga maata. Ka anoano ia toou ingoa ki runga i te akapapa'anga ingoa, ei tika'anga noou no te vouti.

Ka anoano ia koe kia akatano meitaki i toou au tuatua i te au taime ravarai me neke koe ki tetai kainga ou.



Te Retita'anga no te vouti, me e tangata Maori Nu Tireni koe

Me e papa'anga Māori Nu Tireni toou e ka tai nei koe ka retita no te taime mua, e iki'anga puapinga taau ka inangaro ia kia rave. Ka inanagaro ia koe kia iki ko tiea iki'anga taau ka inangaro te piri atu: te akapapa'anga iki'anga a te katoatoa me kare te akapapa'anga iki'anga a te Māori Nu Tireni.

Ka riro taau i iki ei akanoo papu i taau iki'anga ki roto i te iki'anga maata.

Me ka iki koe i te akapapa'anga iki'anga a te katoatoa, kia iki rai koe i te mema no roto i te iki'anga a te katoatoa. Me ka iki koe i te akapapa'anga Iki'anga Māori Nu Tireni, ka iki koe i te mema no roto i te iki'anga a te Māori Nu Tireni. Ka akatika iakoe i te vouti no taua au akapapa'anga pupu tangata tuku ture ra noatu ko tiea akapapa'anga iki'anga taau i akanoo.

Penei, ka riro te Akapapa'anga taau ka iki ei arapaki i taau tu vouti'anga no te au iki'anga a te oire. Me tei runga koe i te Akapapa'anga Iki'anga o te Maori e te tapere tuku'anga tika Maori, ka anoano ia koe kia vouti no tetai mema i roto i te tapere Maori o te iki'anga oire e tu mai nei.

Me tau i ake toou manako i muri ake i taau iki'anga (Māori Nu Tireni me kare Iki'anga a te katoatoa) ka akatika ia koe i te tau i taau akapapa'anga iki'anga i te tuatau iki'anga a te Māori, e rave ia ana i te au 5 mataiti ravarai.



Ka inangaro tauturu ai nei koe no te retita'anga?

Ka akatika ia koe i te ui atu ki tetai tangata kua kite koe, me e taeake, me kare tetai o te kopu tangata, me kare ui atu ki te opita o te opati iki'anga o toou tapere, kia tauturu iakoe i te akakiki i te peapa retita, me kare kia rave aia i te akaki'anga te peapa retita ei tauturu iakoe.

Ka inanagro ia koe kia taina i te peapa.

Me kua kite koe i tetai tangata tu kau i te akakiki e te taina i tana peapa retita no tona tu pakipaki tai, e tika iakoe kia tauturu atu.

Atoro iatu te roro uira atuitui **vote.nz** i te kimi oonu atu no runga i te tauturu'anga i tetai kia retita no te vouti'anga.



Te manamanata ainei koe i toou ora'anga?

Me te manamanata nei koe no toou ora'anga, me kare tetai o toou kopu tangata, ka rauka iakoe i te akaari i toou inangaro kia tomo atu koe ki runga i te akapapa'anga retita'anga muna. Ka akono ma te paruru matou i toou au tuatua i retita ia e kare matou e oake atu ki tetai ke.

E tuatua atu koe ki te Opati Iki'anga o toou tapere, me kare ra, atoro'ia atu te roro uira atuitui **vote.nz**, me kare ra, ringi'ia atu te numero **0800 36 76 56** no tetai au tuatua akamarama'anga akaou mai, e no tetai peapa retita'anga.



Ka inangaro ai nei koe i tetai au tuatua akakite akaou mai?

No tetai au tuatua akakite akaou mai no te retita'anga e te vouti'anga:

- Atoro'ia atu te roro uira **vote.nz**
- Atoro'ia atu te roro uira atuitui **facebook.com/VoteNZ**

E 27 au tu reo te va nei i runga i te roro uira atuitui **vote.nz**, te ka riro ei akakitekite atu no runga i te retita'anga e te vouti'anga.



**ELECTORAL
COMMISSION**
TE KAITIAKI TAKE KŌWHIRI